

foué pa ss'Sint-Espri.

21. E pi al éro in fiu, a ky' è'ch k'ô donnré l'non d' Jézu, chô veu dir, Sôveu; pach ké ché srô li ki sôvrô sin peup, i n l' délivran d' sé péché.

22. Tou chô s'é foué pour akonplir éch ké ss' Singnor il avoué di konm chô par éch profèt:

23. Inn vièrj varô gros, pi al acouchrô d'in fiu, a ky'è'ch k'ô donnrô l'non d' Mannuel, ch' ki veu dir, Diu ave nou.

24. Jôzé, s'éstan don révéyé, ô foué ch'ké chl' anj dé s' Singnor liy avoué ordonné, é p' il ô prin s'fanm ave li.

25. E pi i n'avoué janmoué été ave èl kant al ô yeu sn' éné, a ky'è'chk'il ô donné l'non d'Jézu.

## CHAPIT II.

JÉZU, étau don vnu ô mond din Bétléhinm, vil dé l'tribu d'Judô, du tan dé ch'roué Erod, dé maj son vnu éddu kôté ké s'solèy i s'leuv, jusk a Jéruzalinm.

2. P'iz on dmindè: Ou' è'ch k'il é ch'roué d' ché Juif, ki vyin dé vnir ô mond? Kar ôz avon vu s'n'étoùèl din nô pouéyi du Lvan, pi ô sonm évnu pour éll adoré.

3. Kant éch roué Erod ô aprin chô, i nn' ô tè ébeubi é pi tou l' vil éd Jéruzalinm ave li.

4. Pi, il ô rasinblè touché prans éd ché prêt ave ché